

Karnival tahunan wajar dipakej ikut bulan

BH 20 MAY 2000

KUCHING, Jumaat — Kementerian Kebudayaan, Kesenian dan Pelancongan, mencadangkan semua acara utama untuk kamival sepanjang tahun di negara ini dipakejkan mengikut jadual bulanan dengan tema tersendiri.

Tema Perayaan-Perayaan Malaysia misalnya, dipilih untuk November hingga Februari setiap tahun, yang akan diisi dengan acara seperti Bazar Ramadan pada bulan

puasa, diikuti Deepavali, Krismas, Aidilfitri, Tahun Baru Cina dan Thai Pusam.

Menterinya, Datuk Abdul Kadir Sheikh Fadzir, berkata Karnival Membeli-Belah Mega pula dipilih untuk pesta beli-belah antara 7 Mac hingga 7 April setiap tahun, manakala Kamival Pacuan 2 Roda, mulai 1 April hingga 30 April.

Beliau berkata, mulai Sabtu pertama bulan Mei hingga Ahad pertama Jun setiap

tahun, ditetapkan untuk Bulan Pesta Air Nasional dan Bulan Citrawarna Malaysia pula selama 30 hari, mulai hari pertama cuti penggal persekolahan pertama, setiap tahun.

"Pertunjukan Maha (Malaysia Agriculture, Horticulture & Agrotourism) pula ditetapkan antara 1 hingga 30 Julai setiap tahun dan Bulan Kemerdekaan antara 17 Ogos hingga 16 September," katanya dalam satu kenya-

taan akhbar yang dikeluarkan di sini, hari ini.

Beliau berkata, antara 7 Ogos hingga 7 September setiap tahun dicadangkan untuk Kamival Membeli-Belah Merdeka dan Kamival Permainan Rakyat pula mulai 1 hingga 30 September.

Katanya, mulai 1 hingga 31 Oktober dicadangkan untuk Bulan Sukan Bermotor; diikuti Bazaar Ramadan antara 1 hingga 29 Ramadan dan Karnival

Membeli-Belah Akhir Tahun antara 7 Disember hingga 7 Januari.

Abdul Kadir berkata, perayaan dan kamival Malaysia sepanjang tahun ini bukan saja akan melibatkan agensi kerajaan malah semua pihak terutama pertubuhan bukan kerajaan (NGO), perindustrian, syarikat dan penganjur acara swasta serta persembahan di negara ini.

Menurut beliau, pada tahun ini Kalendar Acara Pe-

lancongan Tahunan yang disediakan Kementerian menyenaraikan 319 acara, berbanding 300 acara tahun lalu dan 289 acara pada 1998.

Kesemua acara berkenaan katanya, dianjurkan tanpa terkumpul pada sesuatu masa atau bulan tertentu dan tidak mempunyai kaitan antara satu sama lain, walau pun acara itu mempunyai asas dan konsep aktiviti bersama.